



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2010. GODINU DEMOKRATA BOSNE I HERCEGOVINE

Broj: 03-07-6-416/11  
Sarajevo, 22. decembar 2011. godine

## SADRŽAJ

MIŠLJENJE REVIZORA.....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole .....	4
Cilj pregleda i kontrole .....	4
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. PREPORUKE .....	6

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Demokrata Bosne i Hercegovine za 2010. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Demokrati Bosne i Hercegovine prekršili su odredbu člana 6. stav (2) Zakona o finansiranju političkih stranaka.**
- 2. Demokrati Bosne i Hercegovine prekršili su odredbu člana 11. stav (3) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornjih napomena pod 1. i 2., nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Demokrata Bosne i Hercegovine za 2010. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Demokrati Bosne i Hercegovine nisu iskazali prihode.

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u Uk.prih. %</b>
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ostali prihodi	0,00	
	<b>Ukupni prihodi:</b>	<b>0,00</b>	

U godišnjem finansijskom izvještaju stranka nije iskazala rashode.

## 2. PREDSTAVLJANJE POLITIČKE STRANKE

Naziv političke stranke: Demokrati Bosne i Hercegovine. Skraćeni naziv: Demokrati BiH.

Politička stranka je registrovana 01.06.1999. godine u Kantonalnom sudu u Sarajevu, broj upisa: R-I-2/99.

Sjedište političke stranke je u Sarajevu, Titova br. 28.

Lice ovlašteno za zastupanje stranke je Safet Čibo, predsjednik stranke.

Lice ovlašteno za podnošenje finansijskih izvještaja za 2010. godinu je Refik Dedović.

Prema podacima iz godišnjeg finansijskog izvještaja za 2010. godinu, Demokrati Bosne i Hercegovine nemaju niže nivoe organizovanja.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Demokrata BiH za 2010. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Demokrata BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Služba za reviziju je u prethodnom periodu izvršila pregled godišnjih finansijskih izvještaja Demokrata BiH za 2006., 2007. i 2008. godinu, nakon kojih su izdati izvještaji o pregledu sa mišljenjem revizora, nalazima i preporukama.

Služba za reviziju je, takođe, izvršila pregled godišnjeg finansijskog izvještaja Demokrata BiH za 2009. godinu, nakon kojeg je izdat Izvještaj o pregledu sa mišljenjem revizora, nalazima i preporukama revizije. Prema mišljenju Službe za reviziju, Demokrati BiH prekršili su odredbe člana 11. stav (3) i stav (4) Zakona o finansiranju političkih stranaka.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2010. godinu, utvrđeno je da politička stranka nije ispoštovala preporuke koje su date u izvještaju o pregledu godišnjeg finansijskog izvještaja za 2009. godinu, odnosno postupila je suprotno odredbama člana 11. stav (3) Zakona o finansiranju političkih stranaka.

#### **5. NALAZI I PREPORUKE**

##### **5.1. NALAZI**

- a) Na osnovu obavljenog pregleda godišnjeg finansijskog izvještaja i dodatne dokumentacije utvrđeno je da su Demokrati BiH prekršili odredbu člana 6. stav (2) Zakona o finansiranju političkih stranaka.**

Demokrati BiH su u 2010. godini koristili poslovne prostorije u vlasništvu pravnog lica Bosnia Airlines d.o.o Sarajevo bez plaćanja zakupnine, čime su primili nenovčanu donaciju u iznosu od 1.200,00 KM<sup>1</sup>. Uvidom u obrazac 3-e godišnjeg finansijskog izvještaja za 2010. godinu utvrđeno je da Demokrati BiH nisu iskazali ovaj prilog čime su prekršili odredbu člana 6. stav (2) Zakona o finansiranju političkih stranaka.

- b) Demokrati BiH prekršili su odredbu člana 11. stav (3) Zakona o finansiranju političkih stranaka.**

Pregledom godišnjeg finansijskog izvještaja i dodatne finansijske dokumentacije Demokrata BiH za 2010. godinu, utvrđeno je da Demokrati BiH nisu godišnji finansijski izvještaj za 2010. godinu popunili u skladu sa Pravilnikom o godišnjim finansijskim izvještajima političkih stranaka, čime su prekršili odredbu člana 11. stav (3) Zakona o finansiranju političkih stranaka.

---

<sup>1</sup> Akt Demokrata BiH broj: 04-05/11 od 06.05.2011. godine.

Obzirom da stranka nije u obrascima 3 (ukupni prihodi političke stranke) i 3-e (nenovčane donacije i računi koje stranke nije imala obavezu da plati) iskazala nenovčanu donaciju pravnog lica, prekršene su odredbe člana 13. i člana 18. Pravilnika o godišnjim finansijskim izvještajima političkih stranaka.

Takođe, stranka nije u obrascima 4 (ukupni rashodi političke stranke) i 4-1 (režijsko-administrativni i ostali troškovi) iskazala troškove zakupnine u iznosu od 1.200,00 KM, čime je prekršila odredbe člana 20. i člana 21. Pravilnika o godišnjim finansijskim izvještajima političkih stranaka.

## **5.2. PREPORUKE**

*Preporučuje se Demokratima Bosne i Hercegovine da se pridržavaju odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da postupa u skladu sa odredbama člana 6. stav (1) i člana 11. stav (3) Zakona o finansiranju političkih stranaka i to:*
  - *da priloge pravnih lica koji premašuju 100,00 KM iskazuje u finansijskim izvještajima, i*
  - *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

### **KOMENTAR:**

U ostavljenom roku, Demokrati Bosne i Hercegovine nisu dostavili primjedbe na Preliminarni izvještaj o pregledu godišnjeg finansijskog izvještaja za 2010. godinu.

Mr. Hasida Gušić, šef Službe za reviziju

Sanja Čabrilo, revizor